



Universitätsbibliothek Paderborn

**Illvstrivm Miracvlorvm Et Historiarvm Memorabilivm Lib.
XII**

Caesarius <Heisterbacensis>

Antverpiae, 1605

De virgine Hebraea à quodam impregnata, quam cùm parentes
paritoram crederent Meßiam, peperit filiam, cap. 25

urn:nbn:de:hbz:466:1-13177

dinis nostri. Ecce vides, quantum boni operata sit in
hoc homine contritio, lapsum erexit, Iudaeos elinguens
fecit, puellam infidelem ad fidem prouexit. APOLLON.
Bene video, admiror, & gaudeo, Deique bonitatem
circa nos in multis considero. CÆSARIVS: Quia sermo
est de Iudeis, vis adhuc aliam audire historiam, huic
ex parte similem, ad honorem fidei nostræ atque Chri-
stianorum, cōfusionemque Iudeorum. APOLLONIVS:
Anima mea sicut talia audire.

CAPUT. XXV.

CÆSARIVS.

*De Iudeis hi-
storia
alia.*

IN ciuitate, ut opinor, Wormatia, Iudeus quidam
manebat, filiam habens formosam: hanc iuuenis
quidam clericus, in vicinio habitans, adamauit,
deuirginavit, & impregnauit: erant enim domus illo-
rum satis contiguæ, & poterat idem clericus, sine nota,
frequenter intrare, & pro libitu loqui cum virgi-
ne. Illa intelligens se concepisse, dixit iuueni, cōcepi,
quid faciam? si cognoverit pater meus, interficiet me.
Respondit clericus: Noli timere, bene liberabo te: si
dixerit tibi pater tuus, vel mater, quid est filia, venter
tuus intumescit, videris nobis concepisse, respōdebis:
Si concepi, nescio, hoc scio quia virgo sum, & nō dum
virum cognoui; ego bene agam cum illis ut credāt ti-
bi. Ille diligentissimè cogitas qualiter liberaret puel-
lam, huiusmodi trupham inuenit. Tollens arundinē,
in silentio noctis, ad fenestrā cameræ, iuxta quam
illos dormire nouerat, accessit, & verba huiuscmodi
per immissam fistulam sibilauit; O iusti & Deo dilecti,
proprijs nominibus eos exprimens, gaudete, ecce filia
vestra virgo concepit filium, & ipse erit liberator po-
puli vestri Israël: statimque paululum retraxit arun-
dinē. Ad hanc vocem Iudeus exergefactus, excitauit
vxore suā, dicens ei: Nunquid non audisti, quid nobis
locuta sit vox cœlica? Respondit mulier: Non. Et ille:
Oremus, ut & tu audire merearis. Orantibus eis, cle-
ricus ad fenestrā stans, & diligenter quid loqueren-
tur auscultans, post morulam, eadem verba, quæ su-
præ, repetiuit atq; adjecit: Magnū debetis filiæ vestræ
honorem

honorem exhibere, magnam curam adhibere, & cum multa diligētia seruare puerum, de eius virgineo corpore nasciturum, ipse enim est Messias, quem expe-
ctatis. Illi exultates, & post repetitionem facti certiores, vix diem expectare potuerunt: puellam vero con-
siderantes intumescente aliquantulum utero conce-
pisse, dixerūt ad illā: Dic nobis filia, de quo cōcēperis?
quibus illa, sicut edicta fuerat, respondit: Et vix præ
gaudio sese capientes, non potuerunt se continere,
quin familiarib⁹ suis dicerent, quid ab Angelo au-
dierint. Illi alijs recitantes, fama dilatante, diuulgatum
est per ciuitates & castra, quia talis virgo Messiam
parturiret. Instante tempore pariendi, multi ad domū
puellæ confluxerunt Iudei, cupientes noua natuitta-
te, diu desiderata, lētificari: sed iustus Deus vanā spem
iniquorum cōuertit in fabulam, gaudium in tristitiā,
expectationem in confusione. Et meritò; quorum pa-
tres olim cū Herode de natuitate salutifera filij Dei
turbati sunt, decuit vt istis tēporibus tali illuderentur
fantasmate. Quid plura? Adfuit hora vt pateret misera,
& ecce secundūm consuetudinem mulierum, do-
lor, gemitus, & clamor: tandem enixa est infantem,
non tamen Messiam, sed filiam. Quo cognito, valde
confusi & turbati sunt Iudei: ex quibus unus, cum
multa indignatione parvulum pede apprehendens,
allisit ad parietem. APOLLONIVS: Quid post hæc
actum est de puella? CÆSARIVS: Pater eius confu-
sionem suam grauiter ferens, affixit eam, & cum tor-
mentis extorxit ab illa cōfessionem totius dolii. APOL-
LONIVS: Miserabile fuit, quod virgo infidelis, ab ho-
mīne fideli seduicta ac corrupta, non est ad baptismi
gratiam, vt supradicta puella, perducta. CÆSARIVS:
Fortè clericus hoc efficere non potuit, vel potius non
curauit, magis gaudens de Iudeorum confusione, quā
de puellæ illuminatione. Si, vt dicis, miserabile est nō
baptizatam non illuminari per baptismū, multo mi-
serabilius est, quod hodie ab Episcopo compellitur
baptizata redire ad iudaismum. APOLLONIVS: Ca-
sum istum audire desidero.